


KIT ME JUKO KWIDI TWO KOBO

Karatac Pwonye

1 Lwok Cingi

Lwok cingi ki pii ki cabun (onyo buru) i kare ma raco, tutwalle inge gudo remo onyo pii kom mukene.



2 Gwok Cingi

Kare weng, ruk roc cing onyo kavera i cingi ka itiyo ki jami ma remo onyo pii kom mo ocido me gengo gudu remo onyo pii kom. Onyo tii ki pot oboke madongo, mapek ma pe jolo jami ma pige(calo pot labolo), loc lamak bongo onyo kit jami mukene me kwanyo jami ma remo onyo pii kom ogudo.



3 Gwoko Wang Bur

Um cingi ki roc cing onyo kavera ka iti ka dunyu wang bur pa ngat mo mukene. Kace pe larre me gwoko cingi, nen ni i umo wang bur mo keken ma tye i cingi onyo i kom latwo ni ki badej ma pe jolo pii.



4 Duny Jami Ma Oor Ma Romo Kelo Awano

Duny remo, cet onyo pii kom mukene ma oor ki jik ki pii. Ruk roc cing onyo kavera me gwoko cingi. Gwok tyeni ka itye ka dunyu pii kom ma oor i dye ot.




5 Bolo Jami Ma Remo Onyo Pii Kom Ogudo I Kabedo Ma I Boma:

Wang jami ma gitiyo ked gi me dunyo remo onyo pii kom (yoo maber loyo) onyo “tweyo wiye i kavera aryo” (ket jami ma remo/pii kom ogudo i kavera ci itwer wiye, ci i ket dok i kavera mukene ci itwer wiye).



1) Wango (yoo maber loyo)



2) Tweyo wiye i kavera aryo ci keto

6 Bolo Jami Ma Remo Onyo Pii Kom Ogudo I Kabedo Ma I Caro:


Bol jami ma gitiyo kede me dunyo remo/pii kom i coron (yoo maber loyo), wango ne onyo tweyo wiye i kavera aryo mapatpat.



1) Bolo jami i coron (yoo maber loyo)



2) Wango ne



3) Tweyo wiye i kavera aryo mapatpat ci keto ne i gin yugi

7 Lwok Jami Ma Iribi Ki Jo Mukene (Jami Cam, Bongi Ki Mukene Mapatpat) Me Gengo Kobo Pa Kwidi Two Cado

Lwok jami ma giribo ki cabun ki pii inge ngat acel acel tic kede.



8 Pe Iler Jami Ma Bit Ki Ngat Mukene

Pe iler gin mo keken mabit ma romo tuco kum ci gudo remo onyo pii kom mukene calo lajwar lak munu onyo tal lajwar lak Acoli, lidi, pala, libira tucce, libira lakwor bongo, onyo jami mabit mukene.



Pe iler lajwar lak munu onyo tal lajwar lak Acoli ma dong ojwayo dog onyo lak ngat mukene



Pe itii ki lidi ma ngat mukene dong otiyo kede



Pe itii ki libira tucce ma dong otuco kom ngat mukene



Pe itii ki pala ma ongolo kom ngat mukene

9 Pok Bongi Ma Remo Onyo Pii Kom Ogudo Pat

Gwok bongi/cuka ma remo, cet onyo pii kom ogudo pat ki i kom jami alwoka mukene ma pud pe icako lwoko ne ci ilwok gi patpat.

